

十卷。文集五十卷。子世京。世亮皆登科。

范世京字延祖。皇祐五年進士。歷和州。歷陽令。適師道。守明州。世京棄官侍養。曰。人子事親之日少。事君之日多。寧可曠時失定省。父喪。扶護歸鄉。垢面跣足。晝夜哀號。行路爲隕涕。服除。熙寧初。官湖北。廣南。名至京師。與時論不合。辭歸。終祕書丞。

范纁。唐末吳處士。有子七歲。能吟詩。贈隱者云。掃葉隨風便。澆花趁日陰。處士方干聞之曰。

吳郡卷二十六

九

此兒他日必垂名。又吟夏日詩云。閒雲生不雨。病葉落非秋。干曰。惜哉。必不享壽。果十歲而卒。

延賓佳話
唐宋遺史

范周字無外。文正公姪孫。贊善純古之子。負才不羈。工詩詞。無意榮達。安貧自樂。未嘗屈折於人所居。號范家園。所賦詩甚多。時出傑句。如詠懷云。一瓢有道泰山重。五鼎不義鴻毛輕。其氣槩肆兀。類如此。

林處字德祖。旦之子。好古嗜學。擢第。累遷。朝奉。